

علوم اقتصاديه و اجتماعيه مجموعه لکاري

مرايڪ بريجي - ڪوئي نيشنل يونيورسٽي

امپوسٽري

احمد شيب، ضايفين، محمد هادي

مديريت

ديوان محاسبات واپورلري - رحيم حسين - صاحب
اخلاق: بديع نوري - - محررات عمليه - صاحب

مدير و صاحب امتياز

محمد هادي

لکھنؤ: ۱۰ غروشي

استانبول

امور اداره و تحريره: طيف مطلق

۱۳۲۷

بروکسلده اجرا ایدیلن تدقیقات نتایجی مبین راپور

— دیوان محاسباتک تاریخچه سی (۱۹۰۵) —

— مابعد —

دوره حسابیه یه اسمی ویرن سنه یی تعقیب ایدن سنه نك كانون نانیهی نهایتدن صکره مذکور دوره حسابیه بودجه سنه محوباً قره دی اعطا امری دیوان ویزه ایتمز. اوراق مثبته عاخذ اولدیغی نظارته ارسال ایدیلدیکی صره اعتباریله وقره دی اعطا امری دیوان محاسباتک ویزه سندن نهایت دوت آی صکره دیوانه کوندرملک لازمکلیر. بو مدت ظرفنده اوراق مثبته دیوان محاسبته ارسال ایدلر ایسه دیوان محاسبات یکی برقره دی اعطا امری ویزه دن امتناع ایدمیلور و تدابیر لازمه نك اتخاذی ایچون مالیه ناظرینی خبردار ایدر، دیوان بوقیلل مصارف اوراقی تدقیق ایدر، یولسز کوردیکی تأدیاتی تصفییه اعطا امرندن تنزیل و ملاحظات مخصوصه ایله برابر دائره عانده سنه رد ایدر. قره دی اعطا امرلری محتویاتندن صرف ایدیلهمیان مبالغ دوره حسابیه نك خاتمه قدر آمر اعطالر طرفندن استعمال اولنه بیلور. آنجق اصول عمومیه دائره سنده قبل التأدیه دیوان محاسباتک ویزه سنه اقتران ایتدیرلمسی شرطدر. قره دی کشادینی حاوی اعطا امرلرنده محرر مبالغک محل صرفی اولجه تعین ایدلمش اولدیغندن بالاآحره تبدیلی قطعاً جائز دکلدر. « چونکه مجلس آزان دوتره زورینه معلومات ویرلمشدر، تبدیلنده پک چوق مشکلات و معاملات اختیارینه وتشویش قیوده میدان آجیلشم اولور، بالاده عرض ایدیلان معاملات دولت بودجه سنه داخل اولان مبالغ حقنده در، فقط ولایاتک خصوصی

بودجه لرینه داخل اولان مالیاتی دخی قبل المصروف دیوان محاسباتک ویزه ایتیمی لازم کلور. بوا عطا امر لر یله برابر دیوانه کلان اوراق مثبته دیکر لر کی دیوان محاسبانده یقوتلیوب ولایاته اعاده اولنور. زیراً دائمی مرخصلر طرفندن مجلس اداره ولایاته ویریله جک حساباتک انشای تدقیقنده اشبو اوراق مثبته ابراز ایدیلور. مجالس مذکور هه حسابات بعد التصدیق والی طرفندن مذکور اوراق مثبته ایله برابر دیوان محاسباته کوندر یلور. دیوان تطبیقات لازمه یی اجرا ایتدکن صکره اشبو حساب اوزرینه اعلام تنظیم ایدر. مصارفک اوراق تحقیق سنده نقصان ظهور ایدر سه نظر دفته آلتماز چونکه اوراق مذکور ویزه انساننده کورلمش ایدی. تأدیه اوراقنده نقصان وقوعی غایت نادر اولدینی ومع هذا بوندن طولانی اعلامک تأخر ایتیه جکی چونکه مصرفک تحقیقته اساساً دیوانجه قناعت حاصل اولدیقتن یالکزر تأدیاتک وقوعه قناعت بخش اوله جق اسباب آراندینی و بوده اعلامده یالکزر حکایه ایدلدیکی افاده اولمشدر.

ولایات اعطا امر لری ایچون دیوان محاسبانده اموتاسیون دفتر لری طوتیلور. فقط بونلر دولتک حساب قطعیسنه داخل دکلدر، چونکه ولایات بودجه لرینی قوه تشریمیه تصدیق ایتما مکده در. ولایانده قناعت مختاریت اداره اصولی جاری اولدیقتن انتخاب ایله تعیین اولان مجلس ولایت اعضایی اهرلرندن دائمی مرخصلر Députation permanente بر اقرلر. اشبو مرخصلرک تشکیل ایتدیکی مجلسه والی ریاست ایدر. اعطا امر لری والیلر طرفندن امضایلدیکی کی ولایات تحریرات مدیرینکده Greffier provincial امضایی واردر. والی اعطا امر لرینی اشبو دائمی مرخصلر نامه امضالامقده در. مع هذا والیلر ایله سائر بعض مأمورین ولایت مأمورین دولتدن معدود اولدقلرندن معاشر لری داخلیه بودجه سندن تسویه اولنور وسائر مأمورین مرکزیه معاشراتی نصل تأدیه اولنور ایسه بونلرده او صورتله تأدیه اولنور، مرکز بودجه سنده داخل اولوب

ولایاتده تسویه‌سی ایجاب ایدن مصارفه کلنجه بوقیلدن اولان مصارف قبل‌الاجرا نظارت عائد‌سندن استیذان و آله‌حق مأذونیت اوزرینه اجرا اولتور اشبو صرفیاتک اوراق مثبت‌سی عائد‌اولدینی نظارت‌ه ارسال‌واوراده تنظیم اولنان اعطا امریله برابر دیوان محاسباته تیار اولتور . مصارف مرکزیه‌کی طریق طبیعینی تعقیب ایدر . « متعهدلر ودولتله ایش کورن کیمس‌لر آله‌حق‌لرندن امین بولدقلری جهتله اشیای لازمه‌یی تسلیم ایتدکن صکره تأدیات وقوعنه انتظار ایدر » بذآ اشخاص ایچون دخی تاجرلر اشیانک تسلیمندن برمدت صکره پاره‌سنی آلمغه الیشقدرلر .

دیوان محاسباتده Indicateur général دن ماعدا منحصرأ اعطا امرلرینک قیدینه مخصوص بر دفتر ذها واردر . اعطا امرلرندن رد اولنانلر اولور ایسه خذالرینه « R » اشارتی Renvoyé وضع‌اولتور . تکرار کلدیکی زمان R اشارتندن صکره قبول‌ایدلدیکی مشعر A اشارتی Accepté وضع اولتور .

اعطا امرلری اوزرینه دیوان محاسباتجه اجرا اولنان معاملات تدقیقه و قیدیه‌نک ایفا اولدینی اقلامک ذکر ی تنور مقصدی ذها زیاده خادم اولور مطالعه‌سیله بوجه‌آتی بیاننه مبادرت اولتور شویله‌که :

اوراق اوطه‌سی دیوان محاسباته ورود ایدن هر نوع اوراق ایله دیوان محاسباتدن دواثر وولایاته کوندریلان بالعموم محررات Indicateur général دنیلان بر دفتره متسلسل نومرو اتتده اوله‌رق و شوقدرکه اوراق وارده سیاه و اوراق صادره نومرولری قیرمزی مرکبله قید‌اولتور . وبونومرولر اوراق وارده و صادره اوزرینه یازیلور . اعطا امرلری بود دفتره یازلدقن صکره ایریجه بر دفتر مخصوصده قید اولتور . برنجی دفترک نومروسی یکریمی بش سنه‌دنبری تسلسل ایتدیرلش وبونک الیوم ۷۹۶۷۰۹ نومرویه بالغ اولدینی کورلمشدر . اعطا امرلرینک قیدینه مخصوص اولان دفترک نومروسی هر سنه ختامنده قطع اولتور دیوان

محاسبانہ سنوی کلان و حقیقان اور آفاق عددی ۳۰۰۰۰ در . اوراق وارده یه یازیلان جوابہ دفترک متداول نومروسی قمری مرکبہ قید ایدلمکله برابر انشای وزودندہ کی قیدی خذاسنہ دخی جواب نومروسی قونیاور بوضورتہ بالعموم واردات و صادرات قیدلری یکدیگریہ قیادیلور اعطا امرلرینک قیدینہ مخصوص اولان دفترہ اعطا امرلری قید اولندقدن صکرہ برقیاق درونہ وضع اولندرق وارسال تذکرہ سیلہ مذکور قیاق شیش ایلہ دلیوب سجم ایلہ باغلانور . بواشلسر ایلہ موظف اوج مأمور وارد .

تصنیف قلمی Bureau de dépouillement : اوراق او طہ سندن بورایہ ویریلان اعطا امرلرندہ نامہ محرر اصحاب مطلوبک مقدمات یازیش ایشلری وار ایسہ آکلار یوقسہ یکیدن تنظیم اولنان فیشلر اشبو قلمنجہ املا ایدیلور . بوفیشلر حروف ہجا ترتیبی اوزرینہ یاییلمشدر مثلاً برمتعہد مختلف نظارتلرہ اشیا ویریر ایسہ بونک نامہ محرر فیش بر عدد اولوب ہر نظارتدن کلان اعطا امرلری محتویاتی بوفیشلرہ قید اولنور . فیش طولندقدن صکرہ قالدیریلور وینہ اورتیب اوزرینہ حفظ اولنور یکیدن ایکی رقمی وضع ایدیلرک دیگر بر فیش .. الخ قونور . شمندوفر وطرق ومعار کبی بعض ادارہ لرجہ ویریلان ومقداری یک کثیر اولان مکافات نقدیہ قیلندن اولان مبالغہ ایچون اصحاب استحقاق نامہ آبری آبری فیش تنظیمی فوق العادہ مشکل اولہ جعندن بوکی تأدیات ایچون عائد اولدینی خصوص نامہ وینہ حروف ہجا ترتیبہ توقفاً برر فیش املا اولنور . انجق اشبو فیشلرہ اصحاب استحقاقک اسمایی علی المفردات یازیلور . اعطا امرلرندن تدقیق قلمنجہ رد اولنالر بولنور ایسہ کیفیت رددن تصنیف قلمی خبردار ایدیلرک فیشہ اشارت ایدیلور . کوندہ وسطی اولہرق ۳۰۰ الی ۳۵۰ فیش الذن کجیریلور . بو او طہ دہ اوج مأمور وارد اعطا امرلری بورادن تدقیق قلمتہ ویریلور .

تدقیق قلمی Bureau de Vérification : تصنیف قلمندن کلان اعطا امرلری تدقیق قلمی مدیری طرفندن مدققلره تقسیم ایدیلور . بونلرک عددی مقدما ۲۰ ایکن تدقیق حساب ایله مکلف اولان مأمورین دخی بواشه تشریک اولندقلرندن طولایی اصل وظیفه تدقیقه ایله مکلف اولان مدققلرک صراحة تعیین مقداری ممکن دکلدرد مدققلر اوراق مثبته مندرجاتنده کی عملیات حسابیه بی تدقیق ایدرلر . تدقیق ایتدکلری اعطا امرلری میاننده مقاوله نامه و شرطنامه و مناقصه قائمه سنه مستند اولان بولندینی تقدیرده اومثالو اعطا امرلرینک بالاسنه امضا وضع ایله بونلری مقاوله نامه لریک حفظنه مخصوص اولان قلمه کوندرلرلر . مذکور قلمحه مقاوله نامه لر اعطا امرلرینه لف ایدلدکدن صکره تکرار تدقیق قلمنه کوندریلر . مدققلر مناقصه قائمه سنک و شرطنامه و مقاوله نامه نک مندرجاتندن اعطا امری محتویاتی ایله تطبیقی ایجاب ایدن نقاطی تطبیق ایتدکدن صکره اوراق مثبته بی امضالریله ابطال و هرا عطا امرینی بوردر وسیله تطبیق ایدرک بر اشارت وضع ایدرلر و قلم مدیرینه وررلر . مذیر دخی قونطرول هیئته تودیع ایدر . اعطا امرلری میاننده رد اولنه جقلر حقنده بالاده ذکر اولنان معامله یاییلور .

مقاوله نامه و مناقصه قائمه لرینک حفظنه مخصوص قلم : مناقصه و مقاوله نامه ایله وقوع بولان مبیعاتک بعضاً بدایت معامله ده رأساً و بعضاً ایلك اعطا امرینه لفاً صورت مصدقلری دیوان محاسبانه کوندریلور بونلر هر نظارت اوزرینه مرتب و نومرولیدر ، بعضاً اوچ بش دائریه عائد مقاولات « صو ، غاز ، الکتریک آبونمانلری مقاولاتی ، آیری آیری نومرو التنده حفظ ایدیلور . مناقصه سی اجرا اولنمیان مبیعاتک مقاوله نامه سی صورتی ده آیری بر نومرو التنده در . اوراق مذکوره بوصورتله حفظ ایدلدکدن صکره حروف هجا اوزرینه مرتب فیشرلرده بونلرک مسلسل نومروسی وضع اولنور . ایسته بومنوال اوزره طوتیلان فیشر

ایله مناقصه قائمه‌سی و یا مقاله‌نامه‌یی بولمق قولایلشور. دیوان محاسباتدن صادر اولان اعلاماتك برر صورتلری ده تاریخ صرهمسیله اشبو قلمده حفظ ایدلمکده در . بوقلمده برامور واردر .

قونطرول هیئت : ویزه معاملاتیله مشغول اولمق و آلتی آیده بر تبدیلیتمك اوزره دیوان محاسبات اعضاسندن اوچ ذاتدن مرکب بر هیئت واردر که تدقیق قلمندن بورایه تودیع اولان اعطا امرلری و اوچ اعضادن بری هیئت نامنه امضا ایدرک دفاتر قلمنه ویرر. رد اولان اعطا امرلری حقنده کی اولته‌جق معامله‌دن بوندن اول بحث ایدلمش ایدی .

دفاتر قلمی Bureau d'Imputation : قونطرول هیئتندن کلان اعطا امرلری بودجه موادی اوزرینه مرتب وسنه حسابیه اولان یکرمی ایکی آیلق معاملاتی محتوی بولمق اوزره هر نظارت نامنه طوتیلان دفاتره قید اولنور. ماده‌نك تحقیقاتی مشخصات یکونه تقرب ایدنجه اشبوماده‌نك حالنی مشعر برورقه صحیفه‌سی آره‌سنه وضع اولنورق بوصورتله نظر دقت جلب ایدلمش اولور. بوورقه‌نك تنظیمندن صکره کلان اعطا امرلری دفتره یازلقله برابر او ورقه‌یده اشارت اولنور هر اوچ آی نه‌سایتدم نظارتلردن ماده یکونی اوزرینه بر دفتر طلب اولنورق یکونلری بوقلمده طوتلقده اولان دفاترده کی یکونلرله تطبیق اولنور. بوقلمده اوچ مأمور واردر .

اعطا امرلری نك ارسال قلمی Bureau d'Expédition : دفاتر قلمندن قید اولنوبده معامله‌سی ختام بولان اعطا امرلری مر بو طاتیله برابر بوقلمه ویریلور. بوراده مطبوع اولان اعاده تذکره‌سی ظهرنده کی ستونلر ایله برابر « بوستونلره تذکره‌یه ملفوف قاچ عدد بوردر و اولدینی وهر بوردروده نقدر اعطا امرلری بولندینی کونستریلور » املا اولنورق اعطا امری باش کاتبه کوندریلور و باش کاتبك اعاده‌سندن صکره تذکره لاجل الامضا ریشه کوندریلور رئیس طرفندن بعد الامضا بوردرولرک

اوراق اوپه‌سندہ بولان Indicateur générale دفترندہ کی اسکی قیدی
 قباذیلہرق وکوندردلیکنہ دائرہیکی قید آچیلہرق بونومرونی حاوی اولوق
 اوزرہ تنظیم اولان ذمت بوضله‌سیلہ مالیہ نظارتہ کوندریلور . واوراق
 مثبتہ قباذ و بوردر وایلہ برابر اوراق اوپه‌سندہ ویریلور . «بقاوالہ نامہ
 و مناقصہ قائمہ‌سی وار ایسہ حفظ اولتیق اوزرہ قلم مخصوصہ ویریلور .»
 اوراجمہ قیدی قباذقدن صکرہ حفظ اولتیق اوزرہ خزینہ اوراقہ
 ویریلور . بوقلم دیوان محاسباتدن ارسال اولتان دیگر اوراقی‌دہ کوندرمک
 وظیفہ‌سیلہ مکلفدر . رد اولتان اعطا امرلری‌دہ تذکرہ مسودہ‌سی قلمہ
 آلتیق اوزرہ تحریرات قلمنہ کوندریلور . ارسال قلمندہ برامورواردور .
 اعطا امرلری اوزرندہ جریان ایدن معاملاتک کافی قباذ اوزرندہ کی
 محل مخصوصہ تاریخی و علاقہ داراولان مأمورک امضاسیلہ اشارت اولنور .
 خزینہ اوراق : اوزرندہ کی قباقلر ایلہ کلان اوراق مثبتہ بررصہ
 نومروسی وضع اولنہرق بردفترہ یازیلور . بودفترہ ہم اشبو مسلسل
 نومرو ہمدہ صادرہ وواردہ دفترینک نومروسی محرردور . بوندن بشقہ
 اوراق اوزرندہ دیگر برنومرو بولنورسہ اودہ یازیلور . بودفترلردہ مقید
 اوراقک خذاسندہ A. B. C. D. حرفلری واردرکہ بونلردن
 A حرفی التی سنہ B حرفی اون سنہ C حرفی اوتوزسنہ D حرفی
 الی نہایہ حفظ ایدیلہجک اوراقہ مخصوصدر [اعطا امرلرینک انواعیلہ
 صورت ارسال وقیدندہ واعادہ‌سندہ تابع اولہجنی معاملاتکی اراہہ ایدن
 نمونہلر نومرو ۳ عدد ۵۵]

مأمورین و متقاعد معاشاتی و آہونمان ویدل ایجار کی مصارف مقتہ
 قبل التادیہ ویزہہ تابع ذکدر . مثلاًہ نظارت اصحاب معاشک امضاسنی
 حاوی مشترک برامر اعطا اسطار ایدرک مالیہ نظارتہ کوندردیکی کی بو
 امر اعطانک دیگر بر نسخہ‌سی‌دہ تذکرہ مخصوصہ ایلہ دیوان محاسبانہ
 ارسال ایلر . دیوان محاسبانہ کوندریلان مشترک اعطا امرندہ اصحاب معاشک

امضای بولندینی کبی هر آیه مخصوص اولان اشبو اعطا امرلرنده دخی اصحاب معاشک علی المفردات اسامیهله مقدار معاشاتی یوقدر. یالکز سنه مک برنجی آینده اصحاب معاشک اسامی و مقدار معاشاتی یازلدقندن صکره آنی ولی ایدن آیلرده برآی اولکی معاشات موادینک یکونی آلتنه وقوع بولان ضایم و تنزیلاتی مفردات وجهله اشارت واشبو ضم و تنزیلات معامله سنه متعلق اوراق دخی اعطا امریه برلکده دیوان محاسباته تسیار اولنور. دیوان محاسبات بوضم و تنزیل معاملاتتی تدقیق ایدرک مثلاً اراده حکمداری ایله ضم ایلمسی لازم کلان بر معاشک اراده سنر ضم اولندیغنی کوردیکی صاحب معاشه فضله و یا نقصان استحقاق حساب ایدلریکنه واقف اولدیغنی خالده نظارت عأده سنه اشعار کیفیت ایدر. مالیه نظارتنه کوندیریلان اعطا امری معاملات نقدیه مدیری طرفندن بودجه موادی اوزرینه مرتب دفتره قید اولندقدن صکره اعطاسی بانقیه امر اولنور. بانقیه دخی اعطا امرلری محتویاتی اصحاب معاشه توزیع اولنق اوزره نظارت عأده سنک حساب مأمورینه طوبدن ویرلدکن صکره بالاده ذکر اولندیغنی اوزره برآی ظرفنده تأدیه اولتان معاشات و مصارقات اعطاسا امرلری مالیه نظارتنه کوندیرلمسی متعاقب اورادن دیوان محاسباته ارسال اولنور. دیوان محاسباتجه تأدیه اولتان بواعطاسا امرلیده تدقیق اولنهرق اصحاب معاشک استحقاقی ویریلوب ویرلمدیکی تین ایتدکن صکره مقدما کلش اولان دیگر اعطاسا امرلریله برلکده حفظ ایدیلور. بدل ایجار و آبونمانلرده معاشات کیدر.

دیوان محاسباتک تدقیق حسابده کی وظائفنه کلنجه : اولاً هر محاسبک سنه مک حسابی تدقیق ورؤیتدن : ثانیاً : حساب عمومی دولتک تدقیق و تطبیقندن عبارتدر. یاجیقا ملی بانقیه ملی دولتک صندوقکارلنی وظیفه سنی ایفا ایندیکی ایچون آنکده حسابی دیوان محاسبات رؤیت ایدر. شوبله که بانقیه اوچ نسخه اولهرق تنظیم ایلدیکی سنه سابقه حسابی هر سنه

کانون ثانی ابتداسنده مالیه نظارتی واسطه‌سیله دیوان محاسباته وریر بر حساب آری آری ایکی مختلف قسمه منقسمدر . بری بانقه‌ک شعباتی اوزرینه مرتب « بانقه‌ک زدهده شعبه‌سی بولنورسه معاملات نقدیه ائداره‌سکده اوزاده بر مأموری واردر که منحصراً واردات و مصارف معاملاتک تفتیشیه مکلفدر » معاملات نقدیه‌سی ، دیکری اسهام و تحویلات حسابیدر حسابک اوج نسخه‌سندن بری‌سی ویریه‌جک اعلام ایله برابر بانقه‌یه اعاده اولنور . اشبو حسابک مصرف قسمی ویزه معاملاتنده ذکر اولندیغی وجهیه مابنماه بانقه‌دن مالیه نظارتی واسطه‌سیله دیوان محاسباته ورود ایدن حسابات واعطا امرلریله تطبیق ایدمک صورتیه تدقیق اولنور . واردات قسمی ایسه بوجه آتی تدقیق ایدیلور : هر تحصیلدار مکلفیندن مقبوض مقابلنده آلدق‌لری مبالغک یکونی قانوناً معین بر حده [۵۰۰۰۰ فرانک] وارنجه بونی ملی بانقه‌شعبه‌سینه تسلیم ایدرک بانقه‌دن آلدیغی قوچانلی مقبوض Récépissé معاملات نقدیه مأمورینه امضا ایتدیردکن صکره نزدنده طولانان مقبوض قوچانلریغی هر اون بش کونده بر دفعه انواع واردات اوزرینه تنظیم ایتدیگی برر بوردر و ایله مالیه نظارتیه کوندرر . « نمونه نومرو ۴ عدد ۳ » مالیه نظارتی دخی معاملات نقدیه مأمورلرندن طولادینی بوحسابلری هر آی نهایتنده اجمال ایدرک تحصیلدارلر معرفتیه تحصیل اولسان وارداتدن ماعدا طوغریدن طوغرییه بانقه شعبه‌سینه تسلیم اولتان مبالغه عائد مقبوض قوچانلریله برابر « تحصیلدارلرک تحصیل و بانقه‌یه تسلیم ایتدیکری مبالغه متعلق مقبوض سنداتی تحصیلدارلر حسابیه هر اوج آیده بر کره مالیه نظارتی واسطه‌سیله دیوانه کوندرلیدیگی ایچون بوقییل مقبوض سنداتی قوچانلرینک ارسالنه لزوم یوقدر . » اوج آیده بر دیوان محاسباته کوندرر . دیوان محاسبات بوحسابلری مذکور قوچانلر محتویاتیه تطبیق ایدر . برسه ظرفنده بوضورتیه کوندریلان اوچر آیلق درت حسابی بالتوجید بانقه حسابک مقبوضات قسمیه قارشولشدیرر .

حسابك اسهام و تحویلات قسمی دیون عمومیه بختده بر تفصیل ایضاح
ایدیله چکی وجهله تدقیق ایلر.

domaines و Dcuanes et socises, Contributions directs
Enregistrements et وارداتی نواحیده بولنان و Receveur تحصیلدار
اطلاق اولنان مأمور لر معرفتیه استیفا اولنور. بونلر تحصیل ایدمه چکتری
مبالتی مین Roles توزیع جدول لرینی آلهرق دفترینه یازار و بالآخره
تحصیل ایتدجکه علی المفردات قید ایدر. بر کونده حاصل اولان مبالتی
Livre de Caisse قاصه دفتری نام دفتره یسکون اولهرق یازار قبل
الصرف و یزهیه تابع اولیهرق صرف ایتدیکی مبالغه مقابل آلدیغی سنداتی
قاصه دفترینک مصرف ستوننه املا ایتمیوب آی نهایته قدر هر کونکی
موجود صندوقی نقداً و سندااً موجود دییه اراشه و آی نهایتده مصرف
ستوننه املا ایدر. آی نهایتلرنده نسخین اولهرق بر حساب تنظیم ایدر.
اشبو حساب معاملات نقدیه مأمورلری واسطه سبله باقیه شعبه لرینه تسلیم
ایدیلان مبالغه مقابل آنان مقبوض سنداتنک مفرداتنه و وارداتنک
ماده لری تصریح ایدلمکله برابر یکوئی و کندیلری طرفدن تسویه ایدیلان
مصارفک بودجه موادی مزوج و فقط مفرداتی احتوا ایدر بر صورتده در.
بو حساب عائد اولدینی آیک انقضاسدن نهایت درت کون صکره ولایات
مرکز لرنده کی مدیر لره [طقوز مدیر واردر] کوندر یلور. بونک ملفوفاتی
باقیهیه وقوع بولان تودیعاتنک Récépissé لری و مصارفک سنداتیدر.
واردات تحصیلاتی ایچون اوراق مثبتیه یوقدر. مدیر بو حسابی آنجه
مصرفه متعلق اولان اوراقی تدقیق ایدر. و طوغری اولیسانلری اعاده
ایدر و حسابک بر نسخه سنی ظهرنده کی محل مخصوصنه اوراق واردینی
آخذ ایتدیکنی مین شرح و یره رک تحصیلداره کوندررکه بو تصدیق
برائت دیتمکدر. دیگر نسخه اوراقیله برابر مدیرده قالیر. مدیر لره آی
تحصیلدارلردن الدقلری حسابات اوزرینه کندی یا نلرنده قالمق اوزره

بر رد دفتر تنظیم ایدر لر. مدیر لرك یا دینی حساب ایکی قسمی حاویدر. بر قسمی تحصیلدار لر دن آلدینی وارداتك اجمالیدر که بو قسمی حسابك عائد اولدینی آیدن صکره کلان آیک نهایت اوننده مالیه نظارتنه کوندر لر. دیگر قسمی مصارفك اجمالیدر که تحصیلدار لر طرفدن کوندر لمش اولان مصارف سنداتك ماهیتی و دوره حسابیه‌سی تدقیق ایدر کرك بونلر کرك باقیه وقوع بولان تسلیاتك ره سه پیسه‌لری آری آری نسختین اوله رق تنظیم ایدیلان بوردر و لر ده ایضاح ایدلک صورتیله اشبو اجماله ملفوفدر. حسابك بو قسمی آیک یکر میسند مالیه نظارتنه کوندر لر. مالیه نظارتنه کی معاملات تقدیه مدیری حسابیه ملفوف اولان بوردر و لر دن برر نسخه‌سیله حسابك بر نسخه‌سی ظهیرنده کی محل مخصوصه اورا قك اخذینی مشعر شرح ویره رک مدیره اعاده ایدر که بو، مدیرك برائتی متضمندر. معاملات تقدیه کندوسنه ارسال اولنان اشبو مصارف اوراق مثبتیه بوردر و لر ی اوزرینه هر آی ایکی نسخه اولق اوزره تصفیه اعطا امری تنظیم ایدر. و مصرف اوراقیله برلکده دیوان محاسباته کوندر لر. *Indicateur de régularisation* و دفترینه قید ایلدکن صکره «تحصیلدار لرك سنه لك اوله رق ورود ایدن حساباتنه کی تأدیات یگونه تطبیق ایدلک و تصفیه اعطا امر لرنك یکونی بر قلم اوله رق یا زلمق اوزره اشبو دفتر اتخا ذ اولمشدر، اعطا امر لرنك بر نسخه‌سی اوراق مثبتیه سیله حفظ و دیگر نسخه‌سی تصدیق ایدر ک مالیه نظارتی معاملات تقدیه مدیرینه اعاده ایدر و بو تصدیق، برأت کی تلقی اولور. معاملات تقدیه مدیری ره سه پیسه‌لری هر اوج آیده بر کره خلاصه ایدر ک تحصیلدار لرجه و ولایات مدیر لر نجه ره سه پیسه‌لر ایچون یاییلان بوردر و لر ایلر برلکده دیوان محاسباته تسبیار ایدر. بونلر دن بشقه شند و فر، پوسته و تلغراف، بحریه، حبسخانه حکومت جانبدن اداره اولنان مؤسسات طرفدن باقیه وقوع بولان تسلیاتك دوائر عائد سندن

مالیه کوندیش اولان رده پیه لری ده بوردرلر و مالیه نك يادینی خلاصه ایله برلکده دیوان محاسباته کوندیلور . دیوان محاسبته رده پیه لر بوردرولریله ، بوردرولرک یکونی ده مالیه جه یاییلوب برلکده کلان و دائره اسامیی اوزرینه مرتب یونان خلاصه ایله تطیق اولور . بو خلاصه ایکی نسخه اولوب بریی دیوان محاسبته قایلر ، دیگر ی « شوقدر اوراق المشر » ديه شرح یازیلهرق مالیه اعاده اولنورکه برات مقامنده در . هر سه نهایتده هر تحصیلدار سنه نك حسابی ولایت مدیرینه کوندور بو حسابده واردات تحقیقاتی ده واردر . « وارداتن تحقیقات و تحصیلات ایچون اوراق منته یوقدر . مصارفک تأدیه اوراق اوله رقه دالکیز کانون اول آینکده شارز اولش حسابی مریوخذر » مدیر یوناری اجمال ایدر . و کندیسه کلان حسابلر ایله بوردرو تنظیم و مالیه نظارتنده کی معاملات نقدیه مدیرینه ارسال ایدر معاملات نقدیه مدیری بریی واردات ایچون و دیگر ایکینی مصارف ایچون اولمق اوزره اوج حساب عمومی تنظیم ایدر و بو حسابلره تحصیلدارلردن و مدیرلردن آلدینی حساباتی دخی لف ایدر مصرف ایچون تنظیم ایتدیکی حسابلردن بریی تحصیلدارلرک تأدیه ایتدکلی مبالنی ، دیگر ی ده کندوسنک قبول ایدوب اوراقی اولجه دیوانه کوندردیکی تأدیاتی حاویدر . زیرا بعضاً معاملات نقدیه مدیری ویردردیکی مبالغه « معاشات اولدینی ایچون قبل التأدیه اعطا امری ویزه ایدیلور . » ماده سنی تجویز ایتدیکی کورهرک بوقیل سنداته تصفییه اعطا امری کسمکیزن تخصیصات منضمه ایستر بناء علیه بوا یکی تأدیه مقداری ارده سنده بعض کره فرق بولور . تجاوز ایدن مقدار ایچون تخصیصات منضمه آلدقن صکره آیرجه تصفییه اعطا امری املا ایدرک دیوان محاسبته کوندور .

شندوفر ، پوسته و تلغراف ، بحریه ، جبه خانه ، حکومت طرفدن اداره اولنان مؤسسات محاسبلری تحصیل ایتدکلی واردات واجرا

ایستدکلی صریفات حسابی مربوط اولدقلری اداره مرکزیه کوندرلر. بونلرده اشبو حساباتی بالاجمال مالیه نظارتی معاملات تقدیه مدیریتنه ارسال ایدر. اداره مذکورده بونلری سنه‌لك اوله‌رق دفترینه قیدوتشکیل ایتدیکی اجمالی آلدینی حسابلر ایله برلکده دیوان محاسباته کوندریر دیوان محاسبات تحصیلدارلردن وبوسته وشنندوفر وسائر مؤسسات محاسبلیله ملی بانقهدن سنه‌لك حساب الدینی کبی معاملات تقدیه مدیر عمومی ولایاتده بولتان معاملات تقدیه مأمورلرینک ارسال ایتدیکی حساباتدن تشکیل ایدر و دیوان محاسباته انای ارسالنده خضره شعبه‌لرندن آلدینی حساباتی ده نف ایدر. و دیوان محاسبات حساب عمومی ایچون مدار تطبیق اولمق اوزره تحصیلدارلردن، معاملات تقدیه مدیر عمومی‌سندن وبوسته وتلراف کبی دوائر و مؤسساتدن آلدینی اشبو حساباتی بروجه‌آتی توجید واجمال ایدر شویله که : واردات ایچون بودجه موادی عمودی وتحصیلاتک اجرا اولدینی شهرور اسملری افقی ومصارف ایچون دایره‌لر اسمیسی افقی وتادیاتک وقوع بولدینی شهرور اسمیسی عمودی اولمق اوزره بر جدول ترتیب اولتور. بوجدولده مصرف مواد مختلفه‌سنه اجرا اولتان تأدیات ممزوجدر. تحصیلاتک دخی هانکی سنه امواتندن اولدینی آیری آیری کوستریلور. [نمونه نومرو ۵ عدد ۸]

حساب عمومی‌یه کانجه : مالیه نظارتی واردات دولتک تحصیلاتنه یوقاروده برتفصیل بیان اولتان حسابات ایله مطلع اولدینی جهته سنه نهایتده یالکز هر دایره‌دن بر تحقق حسابی آلیر وبوصورتله وارداتک تحققات وتحصیلاتی ظویبار مصارفک تحققات وتادیاتی دخی کندی دفترلرنده کی قیددن چیقاریر. بونلره بودجه‌ده محرر اولان خنجات ایله مخصوصاتی ده علاوه ایدرک هر سنه‌لك ختامندن اوچ آی صکره [۳۱ مارت] حساب عمومی تنظیم ایله بارلامتیویه و دیوان محاسباته تودیع ایدر. بوحساب بروجه‌آتی اقسامی محتویدر. مثلاً : ۳۱ مارت ۱۹۱۰ ده تنظیم اولتان

۱۹۰۹ سنه سی حساب عمومیه اولاً ۱۹۰۸ کانون نایسنگ برنجی کونندن سنه مذکوره کانون اولک ۳۱ نجی کوننه قدر چکن زمانده یعنی برسنده وقوعبولانی آری و ۱۹۰۹ سنه سی کانون نایسنگ برنجی کونندن اوسه تشرین اولک ۳۱ نجی کوننه قدر مرور ایدن مدته کی معاملاتی آری ستونده اولق یعنی یکرمی ایکی آیلق معاملاتی محتوی بولونمق اوزره قیامش بودجه نك تحققات و تحصیلات و تأدیاتیه تخمات وخصصاتی اراهه ایدر . ثانیاً ۱۹۰۹ سنه سی کانون نایسنگ برنجی کونندن سنه مذکوره کانون اولک ۳۱ نجی کوننه قدر یعنی ۱۲ آیلق واردات و مصارفادن وقوع بولان تحققات و تحصیلات و تأدیات و تخمات وخصصاتی کوسترر . ثالثاً ۱۹۰۴ سنه سندن ۱۹۰۸ سنه سنه قدر چکن سنه لزله عائد اوله رق تأدیه ایدیه میوب ۱۹۰۹ سنه سنه دور ایدیلان اعطا امرلرندن مذکور ۱۹۰۹ سنه سی ظرفنده تأدیه ایدیلانلرخی مشعردر . رابعاً ۱۹۰۹ سنه سنده دولت منفعته مرور زمانه اوغرایان اعطا امرلرینک مقدارینی احتوا ایدر . خامساً : کرک بودجه داخلنده ، کرک خارجنده بالعموم مقبوضات و مدفوعات ستون ایله سنه ابتدا واتهاسنده کی وزنه موجودلرخی تضمن ایدر . سادساً : بودجه خارجنده کی معاملات نقدیه نك تفصیلاتی آریجه کوسترر . سابغاً دیون عمومیه حساباتی محتویدر . یعنی دولتک دیون عمومیه سنک حال مالیه سی اراهه ایدر .

دیوان محاسباتجه بوحسابک تخمات وخصصاتی قانونیت حالنی کب ایش اولان بودجه ایله تطبیق اولنور . مصارفات تحققاتی دیوانجه طوئقنده اولان Imputation دفتریله و تأدیاتی بالاده ذکر اولنان اجمال ایله تطبیق اولنور . وارداتک تحققاتی سنه نهایتده دوائر عائد سندن مالیه واسطه سیله دیوانه بیلدیریلان حسابلر ایله تحصیلاتی کذلک بالاده کی اجمال ایله تطبیق ایدلمکده در . بناءً علیه واردات تحققات و تحصیلاتنک اوراق منته سیله تطبیق اولنمینی آکلاشلش ولدی السوال وارداتک تحققات

مفتشدر ومأمورین مخصوصه سائر معرفتیه تفتیش ایدلیدیکندن دیوانجه
 بوجیهتک تعمیق ایدلمدیکی افاده اولمشدر. اگرچه معاملات تقدیه
 مدیرتک حسابی ملفوفی اولان ولایت مدیرلری ودوائر ومؤسسات
 حساباتیه مذکور مدیرلرک حساباتی تحصیلدارلر حساباتیه دیوانجه تطبیق
 ایدلمکده ایسهده بوتطبیقات اوراق مثبته مستند بر تطبیق دکدر. دیوان
 محاسبات حساباتک انشای تطبیقنده اولجه یعنی ویزه انساننده تدقیق ایتش
 اولدینی اوراق مثبته تی تکرار تدقیق ایلز. یعنی ایکنجی بر معامله صرف
 بر تطبیقندن عبارت اولدینی ایچون برنجی معامله تدقیقه ایله مقید بولنور.
 حساب عمومی دوره حسابیه بی ولی ایدن سنه تک ماری نهایتده
 ویرمک لازم کلیر ایسهده علی الاکثر تأخر ایتمکدهدر. مثلاً ۱۹۰۸
 سنه سی حساب عمومی ۱۹۱۰ سنه سی حزیرانسک اوتجی کوتی دیوان
 محاسبته ورود ایتشدر. دیوان محاسبات اشبو حسابی مجلس مبعوثانک
 کشادی تاریخندن اعتباراً بر آی صکره مطالعه نامه سیله برابر ویرمکدهدر.
 هر سنه مجلس مبعوثان تشرین ثانیده کی ایکنجی صالی کونی کشاد اولنور.
 بنابرین سالف الذکر ۱۹۰۸ سنه سی حساب عمومی ۱۹۱۰ سنه سی
 کانون اولنده کی ایکنجی صالی کونی ویرمشدر. دیوان محاسباتک مطالعه
 نامه سی اوزرینه مالیه نظارتی بودجه تک قطعی حقنده بر قانون لایحه سی
 احضار وایرتسی اجتماعده مجلس مبعوثانه تقدیم ایدر. اشبو قانون لایحه سی
 عینیه بودجه قانونی شکلندهدر، یعنی بالاده کی مثالی اله آلهرق ۱۹۰۸
 سنه سی بودجه سنک قطعی Reglement définitif du budget قانونی
 لایحه سی ۱۹۱۱ سنه سی کانون اولنده کی ایکنجی صالی کونی ویریلیور که
 عین کونده دیوان محاسبته ۱۹۰۹ سنه سی حساب عمومی حقنده کی
 مطالعه نامه سی ویرمش بولنیور [نمونه : نومرو - ۶ : عدد ۶]

- (۳) شتی (۴) -

بلجیقادہ بودجه ممالك مشروطه ده جاری اولان قواعد عمومیہ
 دائرہ سندہ احضار ومالیہ نظارتجہ طبع ایدلدکن صکرہ دورہ حسابیہ نک
 کشادن اولکی سنہ نک تشرین اولنک ۳۱ نجی کونی مجلس مبعوثان
 اعضاسنہ توزیع ایدلمک لازم کلیر . دورہ حسابیہ اسمنی ویرن سنہ
 ظرفندہ ایضا ایدیلان خدمات وا کتساب اولنان حقوق اشبو دورہ
 حسابیہ عائد اولور . دورہ حسابیہ کانون ثانی ابتداسندہ باشلار
 واوسنہ نک کانون اولی نہایتندہ ختام بولور . مع هذا وارداتک تحصیلی
 ومصارفک تحقیقی واعطا امرینہ اقتراعی معاملاتی ایرتسی سنہ نک تشرین
 اولی نہایتہ قدر دوام ایدہ بیلور . آمر اعطالار وادارہ مأمورینی وظائفیہ
 محاسبیلر وظائفی یکدیگریلہ قابل تألیف دکلدر . آمر اعطالار نظارتک
 توکیل ایدہ جکی مأموریندر . ولایات بودجه لری ایچون والیر آمر
 اعطادرلر . آمر اعطالار قوانین ونظاماتہ مخالف اوله رق اجرا ایتدیردکاری
 تأدیاتدن طولایی مسئولدر . نظار کندیلرینہ ویریلان تخصیصات خارجندہ
 مصارف اختیار ایدہ مزلر . فصول ومواد آردسندہ مناقصہ اجراسی
 آتتحق برقانون مخصوص ایله اوله بیلور . شوقدر وارکه بودجه نک اثبای
 تصدیقندہ مجلس مبعوثانجه مآذونیت ویرلش اولان مواد اردسندہ مناقصہ
 اجراسی جائز اوله بیلور . نظار بودجه نک مدتی تجاوز ایدہ جک وعددر
 ایچون مقاولات وتعمیداتہ کیریشہ مزلر . اگر ایضا ایدیلہ جک امورک
 اهمیتدن طولایی مصرف بودجه نک مدت دوامنجه تحقیق ایدہ مز ایشہ
 نظار بش سنہ بی کچمامک شریطیلہ مقاولاتہ کیریشہ بیلورلر . « بوبش سنہ دم
 دورہ حسابیہ اسمنی ویرن سنہ داخلدر . » اتصال ایدن ویا وفات

ایلیان محاسباتک حساباتی خلقلری ویریرلر . بجایش وقوعنده خلف و سلف بینده دور مضبوطه‌سی . تنظیم اولتور . بر محاسباتک وفاتنده مالیه ناظری طرفدن درعقب بر مأمور کوندریله‌رک حسابات تدقیق ایتدیریلور . ذمتی تین ایدرسه کفالت آخه‌سندن ویا ورثه‌سندن تحصیل اولتور .

۳- عینیات حسابی ۴-

عینیات محاسبینرندن هر بری ایچون انبارک ادخالات و اخراجاتی و اشیانک تحولاتی و ضایعاتی و فضله‌سی قیده مخصوص بر دفتر طوتملی مجبوریدر . احوال مذکوره اوراق مثبته ایله تحقیق ایدلمک لازمکلیر . اشبو اوراق مثبته هر نظارتک خدمات مختلفه‌سی ایچون بر صورت خصوصیه‌ده تعیین اولتور فقط باشلیجه بروجه آتی اساسلره رعایت اولتور: ادخالات و فضله‌لری ایچون انواتر، ضبط ورقه‌لری، مقبوض علم و خبرلری، ارسالات فاطوره‌لری، قونوشمتولر، عربیه مکتوبلری، اخراجات، ضایعات و نقصان ایچون دخی اخراجاتی آمر اوراق، ره‌سه‌پسه‌لر، مضبوطلر یاخود ره‌سه‌پسه‌لرینه قائم اوله‌یلله‌جک تصدیقنامه‌لر . هر سنه مالیه ختامنده « ۳۱ کانون اول » و محاسباتک تحویل‌لرنده انبارلرده، فابریقه‌لرده و دیگر بو قیل مؤساتنده موجود اولان اشیانک بر قطعه دفتری تنظیم اولتور، هر آی تدقیقاته تحمیلی اولیان اشیانک موضوع بولندیفی انبارلرک حالی هر سنه نهایتنده یاخود محاسباتک تبدیلی وقوعنده انواتریرینه قائم اوله‌جق اداری تصدیقنامه‌لرایله تحقیق و تأیید اولتور . سنه‌نک ایلمک آلتی آینده هر محاسب سنه سابقه ظرفنده کی زمان اداره‌سک حساب عمومیسینی تنظیم ایدر . و اشبو حساب دیوان محاسباته کوندریلور نابولوشکننده ترتیب اولتان بو حساب هر نوع اشیانک ادخالات و اخراجاتی کوسترر . عائد

اولدینی مأمورین طرفندن تفتیش ایدلدکدن صکره سلسله مراتب قاعده سنه توفیقاً اوراق مثبته سیله معاً اوچ نسخه اوله رق ناظره کوندربیلور. هر محاسب آنجق زمان اداره سی معاملاتندن مسئولدر. برسته ظرفنده تحول وقوع بولور ایسه حساب محاسباتک عددی نسبتنده اقسامه تقسیم ایدیلور و هر بری کندینه عائد اولان معاملاتک حسابی آیری آیری وزیر. حسابات مذکوره تدقیقات اجرا ایدلدکدن صکره اوراق مثبته سیله برلکده نظار طرفندن دیوان محاسباته کوندربیلور. دیوان محاسبیات اجرا ایتدیکی تدقیقات نتیجه سنه بکوره اعلام ویرر.

حکومت طرفندن اداره ایدیلان فابریقلر آنجق دولتک احتیاجات عسکریه سی تسویه و تأمین مقصدیله تأسیس ایدلمش و صنایعده فوق العاده مترقی بولنان اهالی ایله رقابتی عظیم الامکان بولنش اولدیغندن خارجه بالطبع اشیا صافا مقده و جمله شک مصارفی حربیه نظارتک عادی بودجه سندن تسویه اولمقده در.

باجیقاده حکومت اداره سنده زراعت بانکه سی و امنیت صندوقی کی مؤسسات یوقدر، آنجق Caisse des dépôts et consignations و Caisse d'amortissement دنیلان بر صندوق واردر. اشبو صندوق معاملاتنه بش کشیدن مرکب بر قومیسون نظارت ایدر. بونلردن بری مجلس اعیان طرفندن منتخب بر اعیان دیکری مجلس مبعوثان طرفندن منتخب بر مبعوث و اوچی ده قرال طرفندن منصوب مأموردر. بو صندوقلردن برنجیسی مأمورین حکومتک و مناقصه و مزایده لره اشتراک ایدجک اشخاصک ویره جکلری کفالت و تأمینات آچق لرنی و ایکنجیسی دیون عمومی دولتک رأس المال لرنیک تأدیسه سنه مخصوص اوله رق دیون عمومی بودجه سندن محسوب ایدیلجک مالی اداره یه مأموردر. بو صندوقک محاسبه جیسی هر سنه مارت ابتداسندن اول ایکی صندوق ایچون آیری آیری اوله رق تنظیم ایتدیکی حسابی اوراق مثبته سیله برابر دیوان محاسباته

مساعدہ ایدملکسزین صرفی جائزدر۔ حکومت اخراج ایدہجکی تحویلاتی
فیثات موضوعہ سیلہ صاتمہجفی جہتہلہ تنظیم اولتان بودجہدم حاصلیلہ
آجیق مقدارینی قیامق اوزرہ ایجاب ایدن مقدار تحویلات چیقارمغہ
مأذونیت استحصال اولنور مثلاً آجیق بر ملیون فرض ایدلہ او مقدارہ
الدینی مأذونیت ایلہ « پیاسہ نک حائی تدقیق ایتدکدن صکرہ » بر ملیون
یوز بیک فراقلق تحویلات اخراج ایدر . بناء علیہ بوندن بالاستفادہ
عقدینہ مأذون اولدینی استقراض تحویلاتی برسنہ ظرفندہ درحال پیاسہ
چیقارمیوب مساعد زمانلردہ تدریجاً اخراج ایدر . وپیاسہ چیقاریان
مقداری باقندہ حفظ اولنور . عقد اولونان استقراض تحویلاتنک پیاسہ
تمکن مرتبہ آز مقدارده اخراجنی و بو صورتلہ اعتبار مالینک خلمدن
مصونیتی تأمین ضمتدہ اموال ایتم ، دم یوزیتوو تقاعد صندوقلرینک
استقراضہ اشتراکری تحت مجبوریته آلتشددر . بوندن حکومتک عقد
استقراض ایدہجکفی خبر آلان اہالی اعتماد فوق العادہ دلالت آیتک
اوزرہ مقابلہ تحویلات آلیہرق تحویلات بدلی حکومت نامنہ ملی باقنہ
یاتیریرلر . و دیون عمومیہ ادارہ سندہ اتخاذ اولنمش Grand livre نامندہ کی
دفترہ قید اولنورلر . ایشتہ بوکی پارہ لرمقابل حکومت تحویلات اخراجنہ
لزوم کورمہدن تحویلاتہ ویرہجکی فئضی بو پارہ لری تودیع ایدنلرہ مقبوض
سندی مقابلندہ اودر . بو صورتلہ مصارف طبعیہ و اخراجیہدن تصرفات
اجرا ایدلش اولور . دیون عمومیہ نک رأس المال تأدیاتی قرعہ کشیدہ سیلہ
اولمایوب تحویلات اخراج فیثاتدن دون بر فیثاندہ اولدینی زمان پیاسہدن
مبایعہ صورتیلہ اولور . قاعدہ تأدیاتی ایسہ شو وجہلہدر . پیاسہدہ بولتان
استقراض تحویلاتیلہ دفتر مذکورده مقید مبالغ فائضلرینک تشکیل ایتدیکی
مقداری مشعر بودجہ نک مادہ سی تصریح اولنہرق مالہ دیون عمومیہ
ادارہ سی نامنہ تنظیم اولتان اعطا امری دیوان محاسبانجہ ویزہ ایدیلور .
بونک اوزرینہ فائض تأدیہ سنہ مأذون اولان باقنہ لرم فائضلر تأدیہ اولنور .

اوچ آید بر کره قوپونلر بوردرولر ایله برابر دیون عمومیه اداره‌سنه کوندریلور اداره مذکورجه اشوقوپونلر اوزرینه یاییلان حساب قوپونلر و بوردرولر ایله برابر دیوان محاسباته کوندریلور. دیوان محاسبات اشوقوپونلرک تأدیه جهتی تدقیق ایدر. وحساب عمومییه مربوط اوله‌رق کلان دیون عمومیه حسابیه تطبیقاتی اجرا ایلر. دیون عمومیه اداره‌سنده اتخاذ اولان دفاترک نمونه‌سی تقدیم قلمیشدر.

حساب عمومی سنویده دیون عمومیه دولت کاملاً داخلدر. شوقدر وارکه بالاده تفصیلاً بیان اولندیغی اوزره قوپونلره و یادفتره مقید اولانلرک مقبوض سندلرینه مقابل تأدیه ایدیلرک فائض وعده‌سی حلولنده اعطا امرینه اقتران ایتدیلرک بودجه‌دن تنزیل اولندیغی حالده مرور زمان اولمق اوزره تعیین اولسان بش سنه مدت ظرفنده محتویاتی تسویه اولمق لازمکلیکندن ویزه ایدیلان اعطا امری برصورت استثناییه‌ده بومدت ختامه قدر معاملات نقدیه مأموری نزدنده قالیر. مأمور مومی‌ایله بانکجه یدلی تسویه اولان قوپونلری هر آی غایه‌سنده دیگر اعطا امرلریله برابر آله‌رق مالیه‌ده کی معاملات نقدیه مدیریته کوندریر. اورادنده اوچ آید بر کره دیون عمومیه اداره‌سنه ویریلور. دفترده مقید اولان مبالغک تحویلات وقوپونلری اولمدیغندن بونلرک فائضلری‌ده دفتر مذکورک بواندیغی قلم طرفندن تنظیم اولان مقبوض سندی معاملات نقدیه مأمورینه تصدیق ایتدیرلرکدن صکره بانکیه ابراز واعطا اوله‌رق احجابی طرفندن استیفا اولور. بوسندات دخی قوپونلر کی آی غایه‌لرنده جاری اولان اصول دائره‌سنده دیون عمومیه اداره‌سنه کلیر. بوموال اوزره برسنه‌یه عائد فائض تأدیاتی بش سنه دوام ایتدیکندن اشوق حساب بوضورتله تمادی ایدن تأدیاتی احتوا ایدر طرزده تنظیم و دیوان محاسباتجه تدقیق ایدلمکده بولمیشدر. مستقرضاتک فائض تأدیاتیله تحویلاتک احسانه مقتضی مبالغ بودجه میاننده کوسریلان قارشولغندن تسویه ایدیلور. فائض تأدیاتی ایچون بالاده ذکر

اولنان قوپون مقبوض سنداقی و بوردرولر دیوان محاسباتجه کورلدیکی کجی تحویلاتک احساسی صورتیه تأدیه ایدیلان رأس المال مقداری ده بالخاصه دیوان محاسباتجه ویریلان قراره توفیقاً ایکی سنهده برکرم دیواندن کلان مأمورین طرفندن مالیه دیون عمومیه اداره سنده زمبه لائمش اولان تحویلاتک و حین مباحه سنده پیاسه نک حالنی مشعراولان بورس یوصله سی کوریلهرک تدقیق اولتور. بوندن صکره اشوزمبه لائمش اولان تحویلات دیوان محاسباتدن و معاملات نقدیه مدیریندن و مالیه نظارتک دیکر. برایکی شعبه سندن تعیین اولنان مأموریتدن مرکب بر قومیسون مواجهه سنده احراق اولتور. بالاده ذکر اولندیغی اوزره عقد اولنان استقرضاتک هنوز پیاسه یه چیقارلیان تحویلاتی بانقهده حفظ ایدلمکده بولدیغندن بوقیل تحویلاتک و عده سی حلول ایدن قوپونلری بانقهدن کتیردیهرک ادرمه احما اولتور. تحویلاتک پیاسه فیثائی اعتباری فیثاتدن فضله اولور. حکومت قانوناً احایه مجبور دکلدیر.

آوانس صورتیه ویریلان مبالغ ماده سنه مصرف قید و بونک ایچون تنظیم اولنان اعطا امری علی الاصول ویزه ایدیلور. آنجیق دیوانده کی Imputation دفترینک آیری برستوننه یازلقله برابر آوانسلرک قیدینه مخصوص اوله رق اتخاذا اولنان دفترده یازیلور آوانسک یکونی ۳۰,۰۰۰ فرانتی تجاوز ایدمه مز ودرت آی طرفنده حسابک اوراق مثبت سیله برابر دیوان محاسباته اعطا اولغنی لازمدر دیوان محاسبات تدقیقاتی نتیجه سنده آوانس دفترینه اشارت ایتمکله برابر مأمورک نزدنده قالان آچه ایچون مأموری ذمتدار عدایدر و کیفیتی علاقه دار اولان دائرمه بیلدیریر. اگر ایش هنوز ختام بولماش ایسه ۳۰,۰۰۰ فرانقه قدر یکیدن بر آوانس ویزه ایدمه بیلور. ایشک کایاً ختامنده مأمورک تکرار حسابی رؤیت اوله رق نزدنده صرف ایدلماش آچه. قالش ایسه بونک تحصیلنه حکم ایدر.

و تحصیلنده بوباره ایراد قید اولتور . آوانس صورتیله وریلان آقچه بدایه ترتیب مخصوصه مصرف قید ایدلدیکی جهته صرف ایدیله میوبده ایراد قید اولتان آقچه مخصوصاته رجوع اتمش اوله ماز . دولتک معاملات نقدیه‌سی بالاده ابحات متعدده مفضلاً ذکر اولندی اوزره مالیه نظارتنده بولتان معاملات نقدیه مدیری بانق شعبه‌سی اولان ولایاتده کی آزانته‌سی و بلجیقا ملی بانکه‌سک ولایاتده کی شعباتی و اداره مرکزیه‌سی معرفتیه تدویر ایدر .



پارسیده اجرا ایدیلن تدقیقات نتایجنی مین راپوردر

« دیوان محاسباتک تاریخچه‌سی »

فرانسه‌ده مقدا املاک قرالی و تکالیف عمومیه مأمورلرینک اداره حسابلری مجلس محاسبات Chambre des Comptes نامی التنده تعیین ایدیلن هیئت حاکمه طرفدن تدقیق و محاکمه ایدیلور ایدی . اختلافک ندایتنده اون اوچ مجلس محاسبات موجود و بونلردن هربری عین وظائفی حائر ایدی . یالکزر پارسیده کی مجلس محاسباتک حق قضایی صورت مخصوصهده واسع ایدی . بونکده سببی کندیسه تودیع ایدیلن حسابلرک عددجه و اهمیتجه زیاده اولسی ایدی . شمدیکی دیوان محاسبات کی اووقکی مجلس محاسبات دخی حساباتی تدقیق ایدر ، اعلامه ربط ایلر و محاسبه برائت وزیر ایدی . بوندن ماعدا املاک اداره‌سنه تعلق ایدن حقوق